

Za više informacija



Udruženje građana "Svjetionik"

Adresa: Prote Matije Nenadovića bb,
79100 Prijedor, BiH

Tel./fax: 052 243 150

E-mail: svjetion@teol.net

Web site: <http://www.nvo-svjetionik.org>



Delegacija Evropske unije u Bosni i Hercegovini

Adresa: Skenderija 3a,
71000 Sarajevo, BiH

Tel: +387 33 254 700

Fax: +387 33 666 037

Ova publikacija je urađena uz pomoć Evropske unije. Sadržaj publikacije je isključiva odgovornost Udruženja građana „Svjetionik“ i ni u kom slučaju ne predstavlja stanovišta Evropske unije.

"Evropska unija se sastoji od 27 država članica koje su odlučile postupno povezivati svoja znanja, resurse i sudbine. Zajedno, tokom razdoblja proširenja u trajanju od 50 godina, izgradile su zonu stabilnosti, demokratije i održivog razvoja, a istovremeno održale kulturne raznolikosti, toleranciju i individualne slobode. Evropska unija posvećena je dijeljenju svojih postignuća i svojih vrijednosti sa zemljama i narodima izvan svojih granica".

Evropska komisija je izvršno tijelo Evropske unije.



Ovaj projekat finansira
Evropska unija

**Program Evropske unije EIDHR
za Bosnu i Hercegovinu**

STRATEGIJA SOCIJALNE UKLJUČENOSTI BOSNE I HERCEGOVINE



Projekat „Smanjenje socijalne isključenosti kroz jačanje sistema socijalne zaštite“

Implementator:
Udruženje građana "Svjetionik" Prijedor

Partner u projektu:
Udruženje stručnih radnika
socijalnih djelatnosti Republike Srpske

Socijalna uključenost je jedan od šest definisanih ciljeva Strategije razvoja BiH. S obzirom na značaj samog polja socijalne uključenosti ali i potrebe harmonizacije prakse i politika Bosne i Hercegovine sa praksama i politikama u Evropskoj Uniji, naročito u procesu integracije Bosne i Hercegovine u evropsku zajednicu, zajedničkim aktivnostima nadležnih državnih i entitetskih subjekata i tijela pripremljen je poseban dokument: **Strategija socijalne uključenosti BiH**. Sam koncept socijalnog uključivanja predstavlja osnovu svih socijalnih politika Evropske Unije.

Socijalno uključivanje je proces koji osobama koje spadaju u siromašne i socijalno isključene grupe, otvara mogućnost i pruža potrebna sredstva da učestvuju u ekonomskom, socijalnom i kulturnom životu.



Kao poseban strateški dokument **Strategija socijalne uključenosti BiH** je definisala strateške ciljeve, te prioritete i mjere koje ih podržavaju.

Ciljevi koji su određeni za naredni period su:

- Socijalna zaštita u funkciji zapošljavanja,
- Poboljšati položaj porodica sa djecom,
- Poboljšati obrazovanje,
- Poboljšati zdravstvenu zaštitu,
- Poboljšati penzioni sistem,
- Poboljšati položaj osoba sa invaliditetom.

Aktivnosti kojima će se postići prioritete, odnosno mjere iz Strategije socijalne uključenosti BiH, te odgovornosti za implementaciju potrebnih aktivnosti sa predviđenim rokovima implementacije su definisane kroz **akcione planove** na nivou države, entiteta i Brčko Distrikta. Akcioni plan na nivou države Bosne i Hercegovine je završen, a akcioni planovi koji se odnose na implementaciju aktivnosti u Federaciji BiH, Republici Srpskoj i Brčko Distriktu se još uvijek definišu.

Proces razvoja Strategije socijalnog uključivanja u BiH se zasnivao na slijedećim **ključnim principima**:

- Participatornom pristupu;
- Kompatibilnosti socijalnih i ekonomskih politika;
- Državnom aktivizmu;
- Koordinaciji;
- Odgovornosti institucija;
- Socijalnom dijalogu i partnerstvu;
- Aktivnoj uključenosti socijalnih partnera i organizacija civilnog društva;
- Korporativnoj (zajedničkoj) socijalnoj odgovornosti.



Ovaj novi pristup socijalnim politikama zahtijeva aktivnu participaciju i doprinose ciljanih grupa koje će imati neposrednu korist od uvedenih mjera u okviru različitih subsistema socijalne politike. Redovna saradnja između stvaraoca smjernica strateškog razvoja i konačnih korisnika je **vodeći princip** koji služi kao osnov za novi pristup razvoju ovih strateških dokumenata. Proces razvoja Strategije socijalnog uključivanja i njene implementacije olakšava takav pristup kroz uključivanje svih interesnih strana koje se bave implementacijom mjera socijalnog uključivanja.

Socijalna politika u funkciji zapošljavanja i socijalne uključenosti

Socijalna zaštita u funkciji zapošljavanja je cilj, koji konceptualno stavlja u primarni fokus socijalne zaštite, pomoć pojedincu, gdje god je to realno moguće, prije svega razvijanje njegove vještine na putu do zaposlenja i ekonomskog osamostaljenja kao osnove socijalne uključenosti. Socijalna zaštita se povezuje sa zapošljavanjem kao primarnom podlogom socijalnog uključivanja i aktivne socijalne zaštite. To je u zemlji gdje je visoka nezaposlenost i velika radna neaktivnost stanovništva više nego nužno, i posebno važno u BiH i Republici Srpskoj kao društvu sa nadprosječnim stopama radno neaktivnog stanovništva, kao i nadprosječnim procentom onih koji rade u neformalnom tržištu. Ovakav ambijent upućuje na zaključak da se Socijalna politika u svojoj operativnoj orijentaciji strukturira kroz dva podcilja – **zapošljavanje i socijalnu zaštitu**.



Nezaposlenost je jedan od glavnih faktora siromaštva i socijalne isključenosti stanovništva, koji je posebno izražen u svim ranjivim grupama. Ona je opšti problem, koji jedan dio stanovništva čini ranjivim bez obzira na druge faktore koji utiču na posebno ranjive grupe, tako da nezaposleni, baš kao i siromašni, se ne analiziraju kao zasebna ranjiva grupa, jer su ti problemi opšte prirode i posebno utiču na sve ranjive grupe.